

մդ.

Ընդ աւուրս այսոսիկ սառաֆօղու Սարգիս վարդապետն թոյլտուութեամբ պատրիարզին եկն աստ ի տուն իւր իբրև ի ծածուկ առ ի հոգալ զպէտս ինչ իւր. և հանդերձեալ է գնալ յեւդոկիայ լինիլ առաջնորդ քաղաքին: (Հ. Իգև. առ Մեղզունեան, 1759 Օգոստ. 19. ի Կոստանդնուպոլիս):

մէ.

Վասն ահագին սահակ վարդապետին լսեմք, թէ զալոց է ի Կոստանդինուպոլիս հրաժարեալ ի կաթողիկոսութենէ. և ասէ Սարգիս վարդապետն (Սառաֆեան), թէ չարիք մեծամեծք եկեցեն ի վերայ ազգիս ի գալ նորա աստ, քանզի բարկութեամբ գայ, և ոչ ունի ինչ երկիւղ յումեքէ: Մանաւանդ յարուցէ զկռիւ ի վերայ պատրիարզին, և բազում դրամք խաղասցեն ի դուռն տաճկին: Եւ նա ինքն Սարգիս վարդապետն հիւանդագին կայ ի մահճի յետ դեղին ցաւոյն ըմբռնեալ ի ջերմանէ. և քանի մի աւուրք են, զի ոչ կարացի երթալ տեսնել գնա: (Հ. Իգև. առ Մեղզունեան, 1759 Նոյեմբ. 19. ի Կոստանդինուպոլիս):

մը.

Կարծեմ մինչև ցարդ լուեալ ես զյաղթութիւն տաւուռին ընդ պրուշին. զի պրուշն խորհեցաւ նենգել տաւուռին և կործանել զնա, և ինքն նենգեցաւ. զի ծանուցեալ տաւուռին զխորհուրդս նորա, աճապարեաց և զխումբ մի քսան հազարաց նորա ի մէջ առեալ, յետ կոտորելոյ իբր վեց հազար մի ի նոցանէ, զչորեքտասան հազարն կենդանւոյն անձնատուր գերի կալաւ ամենայն զինուք զարդուք, կահիւք և կարասեօք նոցա. և այս ի մեծագոյն ուրախութիւն օգոստականաց, և ի միջաբեկութիւն փրուսեանց: (Մեղզունեան Արբ. առ Հ. Մկրտիչ, 1759 դեկտ. 8. [Ս. Ղազար]):

մր.

Գեռ նստի [Սարգիս վ. Սառաֆեան] ի տան քեռ իւրոյ, և ոչ խառնի յինչ յեկեղեցւոջն հայոց, և երթայ անդր երբեմն իբրև անցաւոր և օտար. ոչ պատարագէ և ոչ քարոզէ. և կարծեմ թէ գայս ձմեռն աստ ձմերէ մինչև տեսցէ, թէ զինչ լինիցի յազգիս և ի քաղաքիս: Աչ կարէ ասել, թէ ոչ երթամ յեւդոկիայ, զի այնու պայմանաւ եկն աստ, ապա թէ ոչ լինի ընդդէմ արքունի հրամանի: Եւ ոչ կամի յօժար սրտիւ երթալ վասն խղճի մտաց. վասն այսորիկ յերկարէ օր քան զօր զգնալ իւր: Ասէ, եթէ միաբանեալ ոմանք յուղղափառաց տային ինձ գաղտ իբր 2000 դրամ յապրուստ, այսօր յարուցեալ չուէի աստի ի վէնէտիկ: (Հ. Իգև. առ Մեղզունեան, 1759 դեկտ. 15. ի Կոստանդինուպոլիս):

մժ.

Գուցէ լուեալ է ձեր այդր թաղարաց եօթն հազարաց, որ կամելով փոխել զխանն թաղարաց մերոյ գաւառին, բռնացեալ բազում վնասս հասուցին բազմաց քաղաքաց, մանաւանդ յերկրէն պուլտանաց գերեցին անհամար գերիս յիշխանաց և ի սոսկականաց, մինչև կամեցան ասպատակ նոցա անցանել ի Ղէհաստան, և անտի ևս կողոպտել. և բազումք յիշխանաց և ի պարոնաց մինչև ի եաջ քաղաքէն փախտական եղեալ մազապուր ի Ղէհաստան մտեալ ի բերդորայս ամրանային և երկիրն սկիզբն արար թանկութեան: Եւ մեր տեսեալ գայս ամենայն, զի չէր հնար ուրեք ամ-